

四庫全書存目叢書編纂委員會編

齊魯書社

四庫全書存目叢書

集部
第三七二冊

責任編輯：孫言誠 賀 偉

ISBN 7-5333-0615-5



四庫全書存目叢書·集部三七二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三七二冊目次

集部・總集類

書記洞詮一百二十卷目錄十卷(卷一百十七至卷一百二十未刻)(二)

〔明〕梅鼎祚輯

蘇州市圖書館藏明萬曆二十五年至二十七年汝南郡刻本

書記洞詮一百二十卷目錄

十卷(卷一百十七至卷

一百二十未刻)(二)

〔明〕梅鼎祚輯

蘇州市圖書館藏明萬曆二十五年至

二十七年汝南郡刻本

附《四庫全書總目·書記洞詮

一百十六卷》提要

書記洞詮卷第四十一

江東 梅鼎祚 纂輯

晉^七
西晉

江統^{字應}陳留圉人歷遷黃門
侍郎散騎常侍領國子博士

上愍懷太子適書

統為太子洗馬在東宮累年甚被親禮太子
頗開朝議又者貴近度多諸禁忌統上書諫
朝廷善之太子後竟廢誅

臣聞古之為臣者進思盡忠退思補過獻可替否拾
遺補闕是以人主得以舉無失行言無口過德音發
聞揚名後世臣等不逮無能云補思竭愚誠謹陳五
書記洞詮 卷四十一

事如左惟蒙一省再省少垂察納其一曰六行之義
以孝為首虞舜之德以孝為稱故太子以朝夕視君
膳為職左右就養無方文王之為世子可謂篤於事
親者也故能擅三代之美為百王之宗自頃聖體屢
有疾患數闕朝侍遠近觀聽者不能深知其故以致
疑惑伏願殿下雖有微苦可堪扶輿則直自力易曰
君子終日乾乾蓋自勉強不息之謂也其二曰古之
人君雖有聰明之姿獻詰之質必須輔弼之助相導
之功故虞舜以五臣興周文以四友隆及成王之為
太子也則周召為保傅史佚昭文章故能聞道早備

登崇大業刑措不用流聲洋溢伏惟殿下天授逸才
聰鑒特達臣謂適宜時發聖令宣揚德音諮詢保傅
訪逮侍臣覲見賓客得令接盡壅否之情沛然交泰
殿下之美煥然光明如此則高朗之風扇於前人弘
範令軌永爲後式其三曰古之聖王莫不以儉爲德
故堯稱采椽茅茨禹稱卑宮惡服漢文身衣弋絺足
履革舄以身先物政致太平存爲明主沒見宗祀及
諸侯脩之者魯僖以躬儉節用聲列雅頌蚡冒以單
篋藍縷用張楚國大夫脩之者文子相魯妾不衣帛
晏子相齊鹿裘不補亦能匡君濟俗興國隆家庶人

書記洞詮

卷四十一

二

脩之者顏回以簞食瓢飲揚其仁聲原憲以蓬戶繩
樞邁其清德此皆聖王明君賢臣智士之所履行也
故能懸名日月永世不朽蓋儉之福也及到末世以
奢失之者帝王則有瑤臺瓊室玉杯象箸肴膳之珍
則熊蹯豹胎酒池肉林諸侯爲之者至於丹楹刻角
餼徵百牢大夫有瓊弁玉纓庶人有擊鐘鼎食亦罔
不亡國喪宗破家失身醜名彰聞以爲後戒竊聞後
園鏤飾金銀刻磨犀象畫室之巧課試日精臣等以
爲今四海之廣萬物之富以今方古不足爲侈也然
上之所好下必從之是故居上者必慎其所好也昔

漢光武皇帝時有獻千里馬及寶劍者馬以駕鼓車
劍以賜騎士世祖武皇帝有上雉頭裘者卽詔有司
焚之都街高世之主不尚尤物故能正天下之俗刑
四方之風臣等以爲畫室之功可且減省後園襍作
一皆罷遣肅然清靜優游道德則日新之美光于四
海矣其四曰以天下而供一人以百里而供諸侯故
王侯食籍而衣稅公卿大夫受爵而資祿莫有不贍
者也是以士農工商四業不離交易而還以通有無
者庶人之業也周禮三市旦則百族晝則商賈夕則
販夫販婦買賤賣賤販鬻菜果收十百之盈以救旦

書記洞詮

卷四十二

三

夕之命故爲庶人之貧賤者也樊遲匹夫請學爲圃
仲尼不答魯大夫臧文仲使妾織蒲又譏其不仁公
儀子相魯則拔其園蔡言食祿者不與貧賤之人爭
利也秦漢以來風俗轉薄公侯之尊莫不殖園圃之
田而收市井之利漸冉相放莫以爲耻乘以古道誠
可愧也今西園賣菜藍子雞麪之屬虧敗國體貶
損令問其五曰竊見禁土令不得繕脩牆壁動正屋
瓦臣以爲此既違典彛舊義且以拘擥小忌而廢弘
廓大道宜可蠲除於事爲宜

江統

蔡克

字子尼陳留圉城人爲東魏公河
北從事中郎汲桑攻城陷見害

東嵩字臺產穎川長社人歷散騎常侍為戶勸所害

上成都王穎疏

成都王穎起兵討長沙王又假陸陵大都督
穎在長史盧志心害機寵機軍卒敗初臣人
孟玖弟超並為穎所愛超為小都督未戰縱
兵大掠機錄其主者及超戰沒攻疑機殺之
遂潛機于穎言其有異志穎使收機弟雲為
大將軍司馬超以王言許穎並欲用其
父為都督令雲不許機之說也併收雲統等
皆為穎官屬上疏救之穎不納統等重請穎
惻然有宥雲色云惟令殺雲○江陵本傳穎
為成都王穎記室多所策諫 充為穎大將
室

統等聞人主聖明臣下盡規苟有所懷不敢不獻昨聞教以陸機後失軍期師徒敗績以法加刑莫不謂

書記洞詮

卷四十一

四

當誠足以肅齊三軍威示遠近所謂一人受戮天下知誠者也且聞重教以機圖為反逆應加族誅未知本末者莫不疑惑夫爵人於朝與眾共之刑人於市與眾棄之惟刑之恤古人所慎今明公興舉義兵以除國難四海同心雲合響應罪人之命懸於漏刻泰平之期不旦則夕矣機兄弟並蒙拔擢俱受重任不當背罔極之恩而向壘亾之寇去泰山之安而赴鼎卵之危也直以機計慮淺近不能董攝羣帥致果殺敵進退之間事有疑似故令聖鑒未察其實耳刑誅事大言機有反逆之徵宜令王粹牽秀檢校其事令

事驗顯然暴之萬姓然後加雲等之誅未足為晚今此舉措實為太重得則足令天下情服失則必使四方心離不可不令審諦不可不令詳慎統等區區非為陸雲請一身之命實慮此舉有得失之機敢竭愚意以備誹謗

晉書

祖訥

字士言范陽道人歷元帝軍諮祭酒光祿大夫

諫趙王倫疏

東萊王襲齊獻王攸之子性強暴使酒數陵侮弟同起義兵趙王倫收襲及弟北海王
寔繫廷尉當誅倫太子中庶子
祖納疏諫會孫秀成襲等得免

罪不相及惡止其身此先哲之弘謀百王之達制也是故鯀既殛禹乃嗣興二叔誅放而邢衛無責逮

書記洞詮

卷四十一

五

平戰國及至秦漢明恕之道寢猜嫌之情用乃立質任以御眾設從罪以發姦其所由來蓋三代之弊法耳蕤實獻王之子明德之胤宜蒙特宥以全穆親之

晉書

張林

常山人

與趙世子琬牋

父倫敗收付廷尉誅

林與孫秀並為趙王倫所用內實相忌及倫
階位林為衛將軍深怨不得開府潛與秀
具說秀云云云云以白倫倫
示秀秀勸倫收林殺之

秀專權動違眾心而功臣皆小人撓亂朝廷可一時

誅之晉書

張輔

字世偉南陽西鄉人歷秦州刺史與隴西太守韓瑗戰敗見殺

與孫秀

秀為趙王倫嬖人倫篡為侍中中書監驃騎將軍事敗被殺

輔為御史中丞時賈謐諸帝石崇等共相引重義陽王威有詐曰事輔並糾劾之與秀

執權威構輔于秀將殺輔以法輔乃與秀

輔徒知希慕古人當官而行不復自知小為身計今

義陽王誠弘恕不以介意然輔母年七十六常見憂

慮恐輔將以怨疾獲罪願明公留神省察輔前後行

事是國之愚臣而已晉書

嵇紹

字延祖康之子歷侍中蕩陰之敗以身捍帝被害

書記洞詮

卷四十一

六

諫齊王同書

紹為侍中齊王既輔政大脩第舍驕奢滋甚紹書諫同雖謙順報之卒不能用

夏禹以卑室稱美唐虞以茅茨顯德豐屋蔀家無益

危亾竊承毀敗大樂以廣第舍興造功力為三王立

宅此豈今日之先急哉今大事始定萬姓顛顛咸待

覆潤宜省起造之煩深思謙損之理復主之勲不可

棄矣矢石之殆不可忘也晉書

摯虞

字仲治京兆長安人歷太常卿洛京陷以餓卒

答尚書杜預書

武帝泰始十年揚皇后崩舊制既葬帝及羣臣除喪即吉博士張靖等議以皇太子亦宜

從制釋服陳造等議以皇太子無國自宜終服尚書魏舒等奏以皇太子從曰撫軍守曰

監國不無事也按孝景即吉於未喪薄后資

后必不得齋斬於別宮至於大臣亦奪其制

昔翟方進以身為漢相居喪三十六日不敢

瑜國典而況皇太子邪宜如前除服諒陰終

制而亦謂古者天子諸侯三年之喪始同齊

斬既葬除喪服諒闇以居心喪終制不與士

庶同禮喪為吳王友答書從之於時外內卒

問預議或謂違禮以合時預使博士段暢撰

探典故以

僕以為除服誠合事宜附古則意有未安五服之制

成於周室周室以前仰迄上古雖有在喪之哀未有

行喪之制故堯禰遏密殷曰諒闇各舉其事而言非

未葬降除之名也禮有定制孝景之即吉方進之從

書記洞詮

卷四十一

七

時皆未足為准蓋聖人之於禮譏其失而通其變今

皇太子未就東宮猶在殿省之內故不得伸其哀情

以宜奪制何必附之於古欽以舊義哉杜氏通典

同前晉書

唐稱遏密殷云諒闇各舉事以為名非既葬有殊降

周室以來謂之喪服喪服者以服表喪今帝者一日

萬機太子監撫之重以宜奪禮葬訖除服變制通理

垂典將來何必附之於古使老儒致爭哉

致齊王同牋

張華為趙王倫所誅倫敗齊王同輔政度乃致笑於問同奏復華官爵及所沒財物印綬

符策遺使
平祭之

間於張華沒後入中書省得華先帝時答詔本草先
帝問華可以輔政持重付以後事者華答明德至親
莫如先王宜留以為社稷之鎮其忠良之謀款誠之
言信於幽冥沒而後彰與苟且隨時者不可同世而
論也議者有責華以愍懷太子之事不抗節廷爭當
此之時諫者必得違命之歿先聖之教歿而無益者
不以責人故晏嬰齊之正卿不歿崔杼之難季札吳
之宗臣不爭逆順之理理盡而無所施者固聖教之
所不責也晉書武帝問華誰可託後事者對曰明
德至親莫如齊王攸微為件音惠帝即位

書記洞詮

卷四十一

八

以華為愍懷太子少傅帝信賈后廢太子華諫曰此
國之大禍願詳之后知意堅固表免為庶人罔攸子
鄭方字子回南陽處士

獻齊王罔書

罔初與趙王倫相結廢賈后及倫篡立罔起
兵討倫誅之拜大司馬輔政大策第館沉溺
酒色選舉不均惟寵親昵於是朝廷側目海
內失望矣方嫌罔有忠節遂發憤步詣洛陽
自稱荆楚逐民獻書露版極
諫罔含忍答之未幾而敗

方聞聖明輔世夙夜祇懼泰而不驕所以長守貴也
今大王安不慮危耽于酒色燕樂過度其失一也大
王檄命當使天下穆如清風宗室骨肉永無纖介今
則不然其失二也四夷交侵邊境不靜大王自以功

業興隆不以為念其失三也大王興義羣庶競赴天

下雖寧人勞窮若不聞大王振救之令其失四也又

與義兵軟血而盟事定之後賞不踰時自清泰已來

論功未分此則食言其失五也大王建非常之功居

宰相之任謗聲盈塗人懷忿怨方以狂愚冒歿陳誠

齊王罔答鄭方

罔字景帝臨王攸之子以討
趙王倫功拜大司馬加九錫

之命長沙王

孤不能致五闕若無子則不聞其過矣

並晉書

王豹

順陽人初為
豫州刺史

上齊王罔牋

書記洞詮

卷四十一

九

罔為大司馬以豹為主簿罔驕縱失天
下心豹與罔牋罔不能用書入無報

豹聞王臣蹇蹇匪躬之故將以安主定時保存社稷

者也是以為人臣而欺其君者刑罰不足以為誅為

人主而逆其諫者靈厲不足以為謚伏惟明公虛心

下士開懷納善款誠以著而逆耳之言未入於聽豹

伏思晉政漸缺始自元康以來宰相在位未有一人

獲終乃事勢使然未為輒有不善也今公剋平禍亂

安國定家故復因前傾敗之法尋中間覆車之軌欲

冀長存非所敢聞今河間樹根於關右成都盤桓於
舊魏新野大封於江漢三苗貴王各以方剛疆盛竝

典戎馬處險害之地且明公興義討逆功蓋天下聖德光茂名震當世今以難賞之功挾震王之威獨據京都專執大權進則亢龍有悔退則蒺藜生庭冀此求安未知其福敢以淺見陳寫愚情昔武王伐紂封建諸侯爲二伯自陝以東周公主之自陝以西召公主之及至其末霸國之世不過數州之地四海強兵不敢入閭九鼎所以然者天下習於所奉故也今誠能尊用周法以成都爲北州伯統河北之王侯明公爲南州伯以攝南土之官長各因本職出居其方樹德於外盡忠於內歲終率所領而貢於朝簡良才命

書記洞詮

卷四十一

十一

賢儁以爲天子百官則四海長寧萬國幸甚明公之德當與周召同其至美危敗路塞社稷可保願明公思高祖納婁敬之策悟張良履足之謀遠臨深之危保泰山之安若合聖恩宛許可都也

新野王名歆扶風王駿子也

重與同族

前書不報故重致問問報之長沙王又謂問曰小子離間骨肉何不銅駝下打殺問乃奏

豹誅之豹將死曰懸吾頭大司馬門見其之政齊也供而問敗

豹書御已來十有二日而聖旨高遠未垂採察不賜一字之令不勅可否之宜蓋霸王之神寶安危之秘術不可須臾而忽者也伏思明公挾大功抱大名懷

大德執大權此四大者域中所不能容賢聖所以戰戰兢兢日昃不暇食雖休勿休者也昔周公以武王爲兄成王爲君伐紂有功以親輔政執德弘深聖思博遠至忠至仁至孝至敬而攝事之日四國流言雖主出奔居東三年賴風雷之變成王感悟若不遭皇天之應神人之察恐公旦之禍未知所限也至於執政猶與召公分陝爲伯今明公自視功德孰如周公且元康已來宰相之患危機竊發不及容思密禍潛起輒在呼喻豈復晏然得全生計前鑒不遠公所親見也君子不有遠慮必有近憂憂至乃悟悔無所及

書記洞詮

卷四十一

十一

也今若從豹此策皆遣王侯之國比與成都分河爲伯成都在鄴明公都宛寬方千里以與圻內侯伯子男小大相率結好要盟同獎皇家貢御之法一如周典若合聖規可先旨與成都共論雖以小才願備行人昔廝養燕趙之微者耳百里奚秦楚之商人也一開其說兩國以寧況豹雖陋大州之綱紀加明公起事險難之主簿也故身雖輕其言未必否也

終

所限晉紀作所

齊王問報王豹

得前後白事具意輒別思量也

並晉書

孫惠

字德施吳豫章太守前曾孫辟齊王大同司馬
賊曹屬從東海王越歷廣武將軍安豐內史

攻殺太守何
統奔入蠻中

諫齊王回書

周驕恣日甚前賊曹屬孫惠復上
諫回不納亦不加罪惠辭疾去

惠聞天下五難四不可而明公皆以居之矣捐宗廟之主忽千乘之重躬貫甲冑犯冒鋒刃此一難也奮三百之卒決全勝之策集四方之衆致英豪之士此二難也舍殿堂之尊居單幕之陋安踞塵之慘同將士之勞此三難也驅烏合之衆當凶彊之敵任神武之略無疑阻之懼此四難也檄六合之內著盟信之

書記洞詮

卷四十一

十二

誓升幽宮之帝復皇祚之業此五難也大名不可久荷大功不可久任大權不可久執大威不可久居未有行其五難而不以爲難遺其不可而謂之爲可惠竊所不安也自永熙以來十有一載人不見德惟戮是聞公族構篡奪之禍骨肉遭梟夷之刑羣王被囚檻之困妃主有離絕之哀歷觀前代國家之禍至親之亂未有今日之甚者也良史書過後嗣何觀天下所以不去於晉符命長存於世者主無嚴虐之暴朝無酷烈之政武帝餘恩獻王遺愛聖慈惠和尚經人心四海所係實在於茲今明公建不世之義而未爲

不世之讓天下惑之思求所悟長沙成都魯衛之密

國之親親與明公計功受賞尚不自先今公宜放桓

文之勳邁臧札之風芻狗萬物不仁其化崇親推近

功遂身退委萬機於二王命方獄於羣后耀義讓之

旗鳴思歸之鑾宅大齊之墟振決決之風垂拱青徐

之域高枕營丘之藩金石不足以銘高八音不足以

贊美姬文不得專聖於前太伯不得獨賢於後今明

公忘亢極之悔忽窮高之凶棄五嶽之安居累卵之

危外以權勢受疑內以百揆損神雖處高臺之上逍

遙重仞之墉及其危亡之憂過於賴翟之慮羣下竦

書記洞詮

卷四十一

十三

戰莫之敢言惠以衰亡之餘遭陽九之運耳矢石之禍赴大王之義脫褐冠冑從戎于許契濶戰陣功無可記當隨風塵待罪初服屈原放斥心存南郢樂毅適趙志戀北燕況惠受恩偏蒙識養雖復覽遠情隆二臣是以披露血誠冒昧于迂言入身戮義讓功舉還就鈇鎖此惠之效賢於生也

晉書

于東海王越書

惠去問及同賊成郡王穎薦惠爲大將軍記
室領舊威將軍自沙督懷殺穎牙門將改姓
泰以適後越舉兵下祁惠乃說稱南嶽逸士
以爲記室參軍惠越省書榜道求之乃出御
掌文疏問參謀議

天禍晉國遘茲厄運歷觀危亡其萌有漸枝葉先零
根株乃斃伏惟明公咨獻哲之才應神武之略承衰
亂之餘當傾險之運側身昏譏之俗跼蹐凶諂之間
執夷正立則取疾姦佞抱忠懷直則見害賊臣餽糟
非聖性所堪苟免非英雄之節是以感激於世發憤
忘身抗辭金門則謬謬之言顯扶翼皇家則匡王之
功著事雖未集大命有在夫以漢祖之賢猶有彭城
之耻魏武之能亦有濮陽之失孟明三還終於致果
句踐喪衆期於擒吳今明公名著天下聲振九域公
族歸美萬國宗賢加以四王齊聖仁明篤友急難之

書記洞詮

卷四十一

十四

感同獎王室股肱爪牙足相維扞皇穹無親惟德是
輔惡盈福謙鬼神所讚以明公達存亡之符察成敗
之變審所履之運思天人之功虎視東夏之藩龍躍
海隅之野西諮河間南結征鎮東命勁吳銳卒之富
北有幽并率義之旅宣喻青徐啓示羣王旁收雄俊
廣延秀傑糾合攜貳明其賞信仰惟天子蒙塵鄴官
外矯詔命擅誅無辜豺狼纂噬其事無遠夫心火傾
移喪亂可必太白橫流兵家攸杖歲鎮所去天厭其
德玄象著明謫譴彰見違天不祥奉時必克明公思
安危人神之應慮禍敗前後之徵弘勞謙日昃之德

躬吐握求賢之義傾府竭庫以振貧乏將有濟世之
才渭濱之士含奇謨於朱唇握神策於玉掌逍遙川
嶽之上以俟真人之求目想不世之佐耳聽非常之
輔舉而任之則元勳建矣祕之不天值此衰運竊慕
墨翟申包之誠跋涉荆棘重繭而至櫛風沐雨來承
禍難思以管穴毗佐大猷道險時吞未敢自顯伏在
川泥繫情宸極謹先白箋以啓天慮若猶沈吟際會
徘徊二端微倖在險請從恕宥之例明公今旋軫臣
子之邦宛轉名義之國指麾則五嶽可傾呼喻則江
湖可竭況履順討逆執正伐邪是烏獲摧氷賁育拉

書記洞詮

卷四十二

十五

朽猛獸吞狐泰山壓卵因風燎原未足方也今時至
運集天與神助復不能鵲起於慶命之會拔劍於時
哉之機恐流濫之禍不在一人自先帝公王海內名
士近者歿亡皆如蟲獸尸元曳於糞壤形骸捐於溝
澗非其口無忠貞之辭心無義正之節皆希目下之
小生而惑終焉之大歟凡人知友猶有刎頸之報朝
廷之內而無歿命之臣非獨祕之所耻惜乎晉世之
無人久矣今天下喁喁四海注目社稷危而復安宗
廟替而復紹惟明公兄弟能弘濟皇猷國之存亡在
斯舉矣祕之以不才之姿而值危亂之運竭其狗馬

之節加之忠貞之心左屬平亂之韃右握滅逆之矢
控馬鵠立計日俟命時難獲而易失機速變而成禍
介如石焉實無終日自求多福惟君裁之

晉書

與淮南內史朱誕書

誕字永長吳郡人兄前恭洪書

陸機之敗也并收其弟駿為平東祭酒亦有清譽同遇害惠時為大將軍參軍與誕書其痛悼如此

不意三陸相攜闇朝一旦湮滅道業淪喪痛酷之深

荼毒難言國喪備望悲豈一人

晉書

同前

後云別傳亦見文士傳

馬援擇君凡人所聞不意三陸相攜暴朝殺身傷名

書記洞論

卷四十一

十六

可為悼歎

劉弘

字和季沛國相人為荊州刺史拜侍中開府進號車騎將軍

與劉喬牋

喬字仲彥南陽人

惠帝西幸長安喬時為豫州刺史與諸州郡舉兵迎大駕東海王越承制轉喬冀州刺史以范陽王越領豫州喬以越非天子命發兵距之弘與喬牋越將討喬又與越書又表言宜詔越等令兩釋猜嫌各保分局河間王颺方距關東倚喬為助不納其言及越迎駕還洛陽復表喬為太傅軍諮祭酒

適承范陽欲代明使君明使君受命本朝列居方伯當官而行同樊王室橫見遷代誠為不允然古人有言牽牛以蹊人之田信有罪矣而奪之牛罰亦重矣

書記洞論

卷四十一

十七

不二之蹤解連環之結脩如初之好范陽亦將悔前之失思崇後信矣

又與東海王越書

適聞以吾州將擅舉兵逐范陽當討之誠明同異懲禍亂之宜然吾竊謂不可何者今北辰遷居元首移幸羣后抗義以謀王室吾州將荷國重恩列位方伯亦伐鼓即戎戮力致命之秋也而范陽代之吾州將不從由代之不允但矯枉過正更以為罪耳昔齊桓赦射鉤之讐而相管仲晉文忘斬祛之怨而親勃鞞方之于今當何有哉且君子躬自厚而薄責於人今

奸臣弄權朝廷困逼此四海之所危懼宜釋私嫌共存公義舍垢匿瑕忍所難忍以大逆爲先奉迎爲急不可思小怨忘大德也苟崇忠恕共明分局連旗推鋒各致臣節吾州將必輸寫肝膽以報所蒙實不足計一朝之謬發赫然之怒使韓盧東郭相困而爲豺狼之擒也吾雖庶姓負乘過分實願足下率齊內外以康王室竊耻同濟自爲蠹害貪獻所懷惟足下圖之

並符

劉弘傳弘爲荊州刺史舊制地方二山澤中不聽捕魚下教曰禮各山大澤不封與共其利今公私并兼百姓無復曆手地當何謂邪速改此法又酒室中云齊中酒聽事酒糧酒同用麴米而優劣三

書記洞詮

卷四十一

十八

品按醪當與三軍同其濃厚自今不得分別按此教尺牘亦載弘傳尚有他教何獨取此也

馮收

薦王接書

勃海劉原爲河東太守好奇以旌才爲務同郡馮收試經爲郎七十餘薦接於原原卽加禮命接不受

夫駢駟不總轡則非造父之肆明月不流光則非隋侯之掌伏惟明府苞黃中之德耀重離之明求賢與能小無遺錯是以鄙老思獻所知竊見處士王接歧嶷雋異十三而孤居喪盡禮學過目而知義觸類而長斯玉鉉之妙味經世之徽猷也不患玄黎之不啓

竊樂春英之及時

晉書

潘滔

字陽仲榮陽人有文學才辯永嘉末爲河南尹遇害

遺王接書

接補都官從事永寧初舉秀才滔遺接書接報之是歲三王義東惠帝復祚天下秀十一皆不試接以爲恨

摯虞卞玄仁竝謂足下應和鼎味可無以應秀才行

王接

字祖源河東猗人爲征虜將軍司馬諱騰分公罔國

報友人潘滔書

今世道交喪將遂剝亂而識智之士鉅口韜筆禍敗日深如火之燎原其可救乎非榮斯行欲極陳所見

書記洞詮

卷四十二

十九

冀有覺悟耳

並晉書

虞聳

字世龍翻第六子歷廷尉相東河間太守

與族子察書

聳在吳歷清官入晉除河間相王素聞聳名厚禮敬之登油引人物務在幽隱孤陋之中時王岐難聳以高士所達必合秀異聳書與族子察

世之取士曾不招末齒於丘園索良才於摠猥所譽依已成所毀依已敗此吾所以歎息也

會稽典錄

山簡

字季倫潯陽人歷征南將軍都督鎮襄陽

與王衍書

衍字夷甫戎從弟歷位太尉爲石勒所害

蔡克字子尼推東曹掾少有格量及居選官苟進之徒望風畏憚初克未仕時簡嘗與衍

書所以書示衆曰山子以正字拔人然未易可稱後聞充在選曰山子正人之言驗于今矣

蔡子尼今之正人晉書

王澄字平子行弟歷荆州刺史元帝徵澄爲軍諮祭酒爲弟敦所害

與人書

胡毋輔之字彥國泰山奉高人也與王澄王敦庚數俱爲太尉王衍所昵號曰四友澄嘗與人書輔之復江歷湘州刺史

彥國吐佳言如鋸木屑霏霏不絕誠後進領袖也

與人稱兒微書

永嘉流人名云澄第四子微王澄別傳云微邁上有父風

書記洞詮卷四十二

風氣日上足散人懷並世說○尺牘增云兒微風氣日上

嵇含字君道蕃子歷襄城太守爲荆州司馬郭鞠所殺

與羊平書

處士生所養門拔羣特立北堂書鈔

書記洞詮卷第四十一終

書記洞詮卷第四十二

江東 梅鼎祚 纂輯

晉人

華譚字今思廣陵人歷秘書監加散騎常侍

遺顧榮等書

陳敏破張昌將石冰從東海王越爲右將軍因中國大亂遂請東歸敏皇弟命拜揚州刺史并假江東督望顧榮等四十餘人爲將軍郡守並爲從之遂謀有吳越之地自爲大司馬楚公譚爲東海王軍諮祭酒遺顧榮等書責之榮等得書皆言慙色遣使密報征東大將軍劉準已爲內應遂誅敏○何承天晉書云陳敏之亂吳士多爲其所逼顧榮先受敏官潛謀圖之譚不悟露檄四遠極詆其非後紀瞻薦譚爲榮所止遇數年不調

書記洞詮卷四十二

石冰之亂朝廷錄敏微功故加越次之禮授以上將之任庶有韓盧一噬之効而本性凶狡素無識達貪榮干運逆天而動阻兵作威盜據吳會內用凶弟外委軍吏上負朝廷寵授之榮下孤宰輔過禮之惠天道伐惡人神所不祐雖阻長江命危朝露忠節令圖君子高行屈節附逆義士所耻王蠋匹夫志不可屈於期慕義隕首燕庭況吳會仁人竝受國寵或剖符名郡或列爲近臣而便辱身姦人之朝降節逆叛之黨稽顙屈膝不亦羞乎昔龔勝絕粒不食莽朝辱連赴海耻爲秦臣君子義行同符千載遙度雅量豈獨

是安昔吳之武烈稱美一代雖奮奇宛葉亦受折翼
陽討逆雄氣志存中夏臨江發怒命訖丹徒賴先王
承運雄謀天挺尚內倚慈母仁明之教外杖子布廷
諍之忠又有諸葛顧步張朱陸全之族故能鞭笞百
越稱制南州然兵家之興不出三世運未盈百歸命
人臣今以陳敏倉部令史七第頑穴六品下才欲攝
相王之高蹤蹈大皇之絕軌遠度諸賢猶當未許也
諸君垂頭不能建翟義之謀而顧生俛眉已受羈絆
之辱皇輿東軒行即紫館百寮垂纓雲翔鳳闕廟勝
之謨潛運幃幘然後發荊州武旅順流東下徐州銳

書記洞詮

卷四十二

二

鋒南據堂邑征東勁卒耀威歷陽飛橋越橫江之津
汎舟涉瓜步之渚威震丹陽擒寇建鄴而諸賢何顏
見中州之士邪小寇隔津音符道濶引領南望情存
舊懷忠義之人何世蔑有夫危而不能安亾而不能
存將何貴乎永長宿德情所素重彥先垂髮分著金
石公胄早交恩紀特隆令伯義聲親好密結上欲與
諸賢效翼紫庭建功帝籍如其不爾亦可汎舟河渭
擊楫清歌何爲辱身小寇之手以蹈逆亂之禍乎昔
爲同志今已殊域往爲一體今成異身瞻江長歎非
子誰思願圖良策以存嘉謀也

晉書○永長朱誕彥先顧榮公胄袁南今伯

與友人松滋令袁南書

南字公卿歷陽人歷南國大農郎中令

南少能言議與譚齊名友善太安中人各譚與南書

誠以枯澤非應龍之淵棘林非鸞鳳之窟昔食其自
匿監門非高祖不長揖孔明躬稼南陽非劉氏不馳
驅望雲霄而偶翮見鴻漸之輕羽瞻長塗而高鳴知
騏驥之迅足

晉書

求還牋

譚轉丞相軍諮祭酒領郾大中正薦干寶范瑒于朝乃上牋求還不聽

譚聞霸王遠聽以求才爲務僚屬量身以審已爲分
故疎廣告老漢宣不違其志于木偃息文侯就式其

書記洞詮

卷四十二

二

盧譚無古人之賢竊有懷遠之慕自登清顯出入二
載執筆無贊事之功拾遺無補闕之績過在納言聞
於舉善狂寇未賓復乏謀策年向七十志力日衰素
食無勞實宜辭還謹奉還所假左丞相軍諮祭酒版

晉書

顧榮

字彥先吳郡人歷散騎常侍

與親故書

傳咸以讓郎長兼司隸校尉奏免河南尹湛左將軍情廷尉高光兼河南尹何攀等京都肅然責戚憚伏榮與親故書

傳長虞爲司隸勁直忠果効按驚人雖非周才偏亮

可貴也

與州里楊彥明書

榮為齊王同主簿周檀權驕恣榮懼及禍終日昏酣不綜府事轉中書侍郎嘗與彥明書及同誅轉太子中庶子

吾為齊王主簿恒慮禍及見刀與繩每欲自殺但人不知耳

與鄉人書

陸曄字士光少有雅望從兄機每稱之居喪以孝聞同郡顧榮與鄉人書

士光氣息裁屬慮其性命言之傷心矣

上琅邪王瘠牋

書記洞詮

卷四十二

四

元帝初為瑯邪王鎮江東以榮為軍司加散騎常侍凡所謀畫皆以諮焉時帝所幸鄭貴嬪有疾以祈禱頗費萬機榮上牋諫之

昔文王父子兄弟乃有三聖可謂窮理者也而文王日昃不暇食周公一沐三握髮何哉誠以一日萬機不可不理一言蹉跌患必及之故也當今衰季之末屬亂離之運而天子流播豺狼塞路公宜露營野次星言夙駕伏軾怒蛙以募勇士懸膽於庭以表辛苦貴嬪未安藥石實急禱祀之事誠復可脩豈有便塞叅佐白事斷賓客問訊今彊賊臨境流言滿國人心萬端去就紛紜願沖虛納下廣延僞彥思畫今日之

要塞鬼道淫祀弘九合之勤雪天下之耻則羣生賴開泰有期矣

上琅邪王薦南人士

時南中人士未盡才用榮又言云云書奏皆納之

陸士光貞正清貴金玉其質耳季思忠款盡誠膽幹殊快殷慶元質略有明規文武可施用榮族兄公讓明亮守節困不易操會稽楊彥明謝行言皆服膺儒教足為公望賀生沈潛青雲之士陶恭兄弟才幹雖少實事極佳凡此諸人皆南金也並晉書○金玉其相王質公望作民望才幹作才力膽幹上有加以二字

書記洞詮

卷四十二

五

殷祐字景元雲陽人

上琅邪王論顧榮牋

榮初為東海王越軍諮祭酒屬廣陵相陳敏反假榮右將軍丹陽內史敏仍遣其卓出橫江擊甲利器盡以委之榮私與卓共謀討敏事平還吳元帝鎮江東以榮為軍司加散騎常侍辛官帝臨喪盡表贈榮侯濟王功臣格祐為吳郡內史致茂贈榮侍中驃騎將軍開府儀同三司及帝為晉王追封為公

昔賊臣陳敏憑寵藉權滔天作亂兄弟姻婭盤固州郡威逼士庶以為臣僕于時賢愚計無所出故散騎常侍安東軍司嘉興伯顧榮經德體道謀猷弘遠忠貞之節在困彌厲崎嶇艱險之中逼迫姦逆之下每